

9n22211 d/n scou1n

1 / 2025
schner, 10 annada




Bainugnüts illa 1. classa

Linnea à Porta, Lio à Porta, Luisa Barblan, Zoey Bettini,
Lio Blanke, Mara Iloa Burkhard, Mia Bott, Adrian Casanova,
Livia Caviezel, Louie Chappatte, Elina Dorta, Jara Alina Egger,
Francisca Faria Miranda, Jessica Beatriz Fernando dos Santos,
Maria Carolina Gomes Mourao, Nina Victoria Heidenreich,
Leif Schimun Hill, Giosch Mattia Könz, Laila Samia Krebs,
Lara Elsa Lauber, Hannes Marti, Alessia Merlo,
Alejandro Monteiro Dos Santos, Elea Marie Müller, Ilenia Murtas,
Duri Peer, Gonçalo Pereira Monteiro, Luca Pfister,
Bastian Rössler, Emma Julie Margerete Schmid,
Lukas Willy Schulze, Victoria Stöckenius, Leano Taverna,
Lina Uebersax, Safira Valentin, Mario Norwin Vital

NOVISCO

Meis cudesch predilet

1.-3a classa




L'homin da l'aua/ Leandro



Ich geh doch nicht mit jedem mit!/ Emilia



Sternenschweif / Nina



Das magische Baumhaus / Benjamin



La strietta/ Nadine



Dicziunari/ Safira

Bäume und ihre Tiere/Ursin



Bergheuet- Erlebnisse einer Bauernfamilie /Duri



Nutztiere auf dem Bauernhof/Lio



Vom Nilpferd das fliegen durfte/Leano



MEDIAS SOCIALAS

L'ADÖVER DA LAS MEDIAS SOCIALAS SARÀ IN TUOTTAS FAMIGLIAS ÜN TEMA. SCO BLERAS INVENZIUNS DA L'UMAN HAN LAS MEDIAS SOCIALAS VARTS SALÜDAIVLAS E VARTS FICH NEGATIVAS. MEDIAS SOCIALAS PON PER EXAIMPEL COLLIAR MA EIR SEPARAR UMANS, I PON INFUORMAR MA EIR DESINFUORMAR E MANIPULAR, I PON INSPIRAR, TRATEGNER MA EIR FAR GNIR DEPENDENT, DEPRESSIV O SIMPLAMAING ESSER ÜN PERDATEMP. ID ES LA LEZCHA E LA SFIDA DA MINCHÜN DA DOVRAR QUISTA TECNOLOGIA IN ÜN MÖD POSITIV E RADSCHUNAIVEL.

Agiunt ün pêr texts da scolaras e scolars da la 1. secundaria da Scuol.

- Blers creschüts crajan cha Snapchat saja x alch plunder... Ma i nu san gnanca co dovrar o che chi's fa là. Snapchat es gnü cuntschaint pervi dals filters specials. Quai po esser positiv o negativ. Alch positiv füss chi'd es lustig da verer a sai cun differentas fatschas. Alch negativ es chi's suprima la bellezza da la aigna fatscha.
- A mai esa fingià capità ch'eu nu d'eira plü buna da schmetter dad esser aint illas medias e lura nu'm rivaiva plü da concentrar in nöa, sco p. ex. da trenar per tests ed uschea.
- Ün influenzer chi'm fascinescha bler es Felipe Neto, el es ün influenzer da Brasilia chi'd es creschü sü fich pover. Uossa es el ün dals Youtubers ils plü cuntschaints da la Brasilia. Eu n'ha jent la diversità dals videos.
- I nu's stess far ün post ingio chi's vezza massa blera pel, roba co chi's fa festa o roba brutala. Ün bun post es alch da la natüra, da hobis o fotis cun amis. I nu's dess neir na crajer tuot da l'internet bler sun be fake news.
- Tü poust gnir hackà ter simpel, per part stoust be cliccar sün ün link e lura ha il hacker tias datas o teis raps.
- Cur chi's tschüffa ün chat vegn sü ün quadrat cotschen e lura s'haja sco vöglija da cliccar lasura.
- La plattafuorma culs plü blers users es amo adüna Facebook cun sur 3 milliards users. Sülla segunda piazza segua Instagram cun 2 milliards. Pac davo Tiktok cun 1.9 milliards users.
- Las apps e programs prouvan natüralmaing da't far gnir dependent da lur plattafuorma, perquai cha quellas guadagnan raps cun quai. Per els esa important cha tü est bler temp sün lur app. Uschè pona vender recloma e ramassar datas da tai, da teis deport e da tias preferenzas.
- PER GENITUORS ESA SÜLLA HOMEPAGE DA LA SCOULA ÜN FÖGL CUN RACUMANDAZIUNS.



Impissamaints da la lavur sociala da scoula

Pels uffants e giuvenils es la vita d'vantada plü cumplachada d'urant ils ultims decennis. Las pretaisas sun creschüdas per els. Percunter d'vaintan ils puncts d'orientaziun plü derasats. Il plü tard cun l'internet es d'vantà il muond ün cumün cun fich bleras pussibilitats e traplas. Quai chi valaiva plü bod es dandettamaing d'archeu out. Cha quista circumstanza possa manar als cunfins als genituors in lur responsabilità d'educaziun es facil da chapir.

Üna resposta pussibla sün quai spordscha la tenuta da la "nouv'autorità". Quella es gnüda fundada dal psicolog israelian Haim Omer e seis team. Ella as basa sün l'esperienza davart resistenza sainza violenza e dovra il term "fermezza invezza da pussanza".

Haim Omer accentuescha cha'ls genituors sajan quels chi hajan l'autorità natürala. Il listess vala per persunas d'instrucziun in stanza da scoula, ma na illa fuorma d'autorità tras pussanza dimpersè impustüt cun üna relaziun viva d'educaziun sainza violenza chi resista sainza cumpromiss a las fuormas destrucivas dals uffants.

Quai chi's lascha scriver o dir uschè facil nun esa simpel da realisar. I pretenda üna gronda purziun pazienza, perseveranza e prontezza d'imprender. Chatter s'vess ün'ancra, dimena l'orientaziun in sai s'vessa es provochant avuonda – na be in dis turbulents.

La nouv'autorità discuorra in l'educaziun perquai da la funcziun d'ancra. Genituors sun il grip ed al

listess mumaint tuor da la linterna (Leuchtturm) i'l movimaint da las uondas intant cha lur uffants sun sül mar illa barcha da la vita e fan lur experiencias.

Scha'l mar vain plü burascus ed ils uffants nu rivan plü a temp da remblar inavo illa baja, tiran ils genituors la sua plü dastrusch nan pro sai in auas plü quietas. La sua simbolisescha la relaziun e la colliaziun cun l'uffant, intant cha'l mar rapreschaina las emeziuns.

Ils uffants nun han per regla jent scha'ls genituors tils piglian d'avent üna libertà ch'els han cret d'avair per tils proteger. Al medem temp imprendan ils uffants cha lur genituors sun preschaints e ch'els as pon fidar da quels e chi vegnan protets. Forsa provocheschna quai in dis burascus per resentir cha'ls genituors sajan qua per els sainza resalvas.

Haim Omer ha üna jada registrà e remarchà la seguinta frasa: "Ün cumün inter edukescha ün uffant". Our da seise punct da vista dovran ils genituors indispensabelmaing sustegn. Quai chi nu grataja magara als genituors, pon raggiundscher üna nona o eir ün barba o forsà ün ami da la famiglia o üna vaschina. Minchatant surpiglia üna persuna qualificada quella rolla.

Cun quai ch'hozindi nun existan quasi plü famiglias grondas, sun ils genituors dependents dad otras fuormas da sustegn. Scha'ls genituors as saintan sulets in lur fadia nun vegnan els libers da l'impissamaint ch'els pudessan fallar in lur cumpetenza d'educar ed as retiran invezza

dad esser curaschus e discuorrer davart lur pissers.

Tenor il motto "insembel impè impè sulet ans renda ferm" vulesse eu animar a Vus, charas lecturas e chars lecturs, da discuorrer insembel avertamaing e cun respet davart lur temas e pissers sco genituors. Tadalai ün a l'oter sainza valütar quai chi vain dit.

Hajat il curaschi da dumandar agüd in famiglia e pro amis. Sajat sainz'oter ün exaimpel ün pa insolit per Lur uffants.

Scha tuot quai ch'Ellas/Els han improvà fin uossa nun ha früttà, po l'agüd desiderà gnir tras ün post specialisà. I'l rom da la scoula po quai esser la lavur sociala da scoula. Ella es gratuita e spordscha ün ambiaint protet.

In quist sen Tils giavüscha bler plaschair, pazienza e fiduzcha i'l minchadi d'educaziun.

Olivier Fasching

lavorant social da la scoula dal cumün da Scuol



Scoula Scuol

Organisaziun
Manader da scoula
Secretaria
Pedels
Telefon secretariat
Telefon stanza da magisters
Telefon pedels
E-mail

Mario Rauch
Gretta Ursina Garcia-Nogler
Paulo Alves do Vale, Francisca Teixeira
081 861 27 62
081 861 27 63
081 861 27 60
mario.rauch@miascoula.ch
gretta.garcia@miascoula.ch
secretariat@scoula-scuol.ch
mardi • 14:00 - 15:00
gövgia • 14:00 - 15:00

Uras da büro

Scoula Sent

Organisaziun
Manader da scoula
Pedel
Telefon
Telefon manader
Telefon pedel
E-mail
Uras da büro

Gian Caviezel
Silvio Vital
081 864 05 52
081 864 05 52
081 864 05 52
gian.caviezel@miascoula.ch
mardi • 15:00 - 16:00
gövgia • 15:00 - 16:00

Scoula Ftan

Organisaziun
Manadra da scoula
Pedella
Telefon stanza da magisters
Telefon pedella
E-mail
Uras da büro

Flurina Steiner Schwarz
Raja Schulze
081 864 09 29
081 860 38 24
flurina.steiner@miascoula.ch
mardi bunura o tenor cunvegna

Scoula Tarasp

Organisaziun
Manadra da scoula
Pedella
Telefon
Telefon pedella
E-mail
Uras da büro

Aglia Gallmann
Seraina Ammann
081 864 01 29
078 764 61 79
aglaia.gallmann@miascoula.ch
gövgia • 15:15 - 16:00

Scoula Ardez

Organisaziun
Manader da scoula
Pedella
Telefon stanza da magisters
Telefon pedella
E-mail
Uras da büro

Duri Janett
Marie Luise Taisch
081 862 23 10
079 469 12 03
duri.janett@miascoula.ch
venderdi • 13:30 - 15:00

Per las scoulas dal cumün da Scuol

Lavuraint social
Telefon
E-mail

Olivier Fasching
078 252 93 35
olivier.fasching@miascoula.ch

Lavur cun giuvenils dal cumün da Scuol

Assistent da giuvenils
Telefon
E-mail

Meret Wüest
078 254 00 83
m.wueest@scuol.net

Cumbinella, chüra d'uffants da las scoulas dal cumün da Scuol

Telefon 076 815 74 52
E-Mail chuera.scuol@miascoula.ch

Plan da scoula 2025

Scoula	Vacanzas
06.01.2025 - 01.03.2025	02.03.2025 - 10.03.2025
11.03.2025 - 02.05.2025	03.05.2025 - 18.05.2025
19.05.2025 - 27.06.2025	28.06.2025 - 10.08.2025
11.08.2025 - 03.10.2025	04.10.2025 - 19.10.2025
20.10.2025 - 19.12.2025	20.12.2025 - 05.01.2026

Üsanzas

Ftan	Scuol
1. favrer 2025	Schüschaiver
28 favrer 2025	Talocs
1. marz 2025	Chalandamarz
19 dec. 2025	Nadal da scoula

Sent	Tarasp
1. marz 2025	Chalandamarz
17 dec. 2025	Nadal da scoula

Guarda	Ardez
28 favrer 2025	Chalandamarz
1. marz 2025	Chalandamarz
18 dec. 2025	Nadal da scoula

Dis da festa

18 - 21 avrigl 2025	Pasqua
29 - 30 mai 2025	Ascensiun + Punt d'Ascensiun
9 gүн 2025	Tschinquaisma
1. nov. 2025	Festa da tuot ils Sonchs (be la scoula da Tarasp)
6 schner 2026	Festa dals 3 rais (be la scoula da Tarasp)

Quist chalender rimplazza tuot ils chalenders chi sun gnüts publicchats plü bod!

Bibliotecas cumünalas / Gemeindebibliotheken

Ftan



mardi / Di 16.00 - 17.30
gö / Do 19.00 - 20.00
so / Sa 16.00 - 17.30

schner e favrer eir
Januar und Februar auch
du / So 16.00 - 17.30

Biblioteca da Ftan
Padrus 131
7551 Ftan

Tel +41 (0)81 860 02 46
biblioteca.ftan@bluewin.ch

Ardez



lū / Mo 15.00 - 16.30
gö / Do 19.00 - 20.00
so / Sa 16.30 - 18.00

Biblioteca Ardez
Crusch 103
7546 Ardez

Tel +41 (0)81 860 32 84
biblioteca_ardez@bluewin.ch

Sent



settember fin gүн / Sept. bis Juni
lū / Mo 16.30 - 17.30
gö / Do 16.30 - 17.30
so / Sa 16.30 - 17.30

lūgl ed avuost / Juli + August
lū+gö / Mo+Do 19.30 - 20.30
so / Sa 16.30 - 17.30

Biblioteca Sent
Chasa Misoch
7552 Sent

Tel +41 (0)81 861 20 68
bibliosent@bluewin.ch

Scuol



lū / Mo 15.30 - 19.00
marc / Mi 09.00 - 11.00
19.00 - 20.30
ven / Fr 15.30 - 19.00

Biblioteca Scuol
Via dals Bogns 161
7550 Scuol

Tel +41 (0)81 860 03 55
www.bibliotecascuol.ch
mail@bibliotecascuol.ch



PROGET CUN NETPATHIE

Uffants creschan sü in ün contuorn, ingio cha'l navigiar i'l internet e l'adöver da medias digitalas es dvantà üna part da lur minchadi. Il muond virtual spordscha üna pruna schanzas, ma cumpiglia eir ris-chs. Tant plü important esa, chi's renda consciaint ün adöver sgür ed equilibrà da las medias digitalas, quai d'üna vart cun infuormar e sensibilisar als uffants davart ils privels, ma eir cun promover üna comunicaziun respettusa sco eir la sandà mentala dals uffants. Per quists motivs ha decis la scoula d'Ardez e Guarda da spordscher sül s-chalin primar duos lavuratori l'on culla società Netpathie.

Ün da quists lavuratori ha gnü lö in november. La 5avla e 6avla classa s'ha dedichada als temas cybergrooming sco eir a lur sandà mentala. Ils uffants han gnü l'incumbenza da crear ün'oasa da bainstar, ingio ch'els pon tancar energia sainza mezs digitals. Implü han els formulà cussagls ch'els dessan ad otras persunas davo quist mez di da projet.

Cun agüd da l'intelligenza artificiaa rivan ingianaders d'imitar vuschs. Els telefonan als genituors e pretendan d'esser l'agen uffant chi dovra raps. Fa perquai giò ün pled clav / üna dumonda da sgürezza, cha be tü e teis genituors cugnuoschais! (p.ex. la bes-cha prediletta).

Mai trametter fotografias a glieud chi nu's cugnuoscha!



Nu tour giò telefons, respunder sms o acceptar dumondas d'amicizcha da glieud incuntschainta!

Adüna stübgier avant co trametter roba persunala, schi pudess capitar alch cun quella!

Sch'inchün t'imnatscha, far ün screenshot e bloccar!

Invenziuns da medias

Medias... che es quai vairamaing?

A NUS trattaina pel mumaint il tema INVENZIUNS e no vain decis da colliar quistas duos tematicas üna cun tschella. Il prüm vaina stübgia che medias cha no cugnuschain e perche cha no tillas dovrain:





“Eu dovr minchatant la televisiun per verer alch chi m’interessa. Eu dovr l’i-Pad per tadlar musica ed il telefonin dovra per telefonar a mias amias ed a meis genituors.”

“Sch’eu tscherch infuormaziuns schi lura dovra l’i-Pad, quai va il plü simpel per chattar tuot quai chi’s voul.” “Eu cugnusch l’i-Pad, cun quel possa giovar gös ed eu sa chi dà uras electronicas e cun talas as poja eir far fotografias.”

“Novitats guard’eu aint illa televisiun per savair che chi capita sül muond.”

“Eu cugnusch üna ps (quai es üna staziun per giovar gös a la televisiun) e cun quella possa giovar gös da NHL.” “Cul telefon possa telefonar fin in America. Ed illa televisiun vain la previsiun da l’ora.”

“Serias e films as poja verer sün Netflix e cul telefonin as poja far bleras differentas robas.”



In gruppas ans vaina miss in tschercha da las personas chi han inventà: **il telefonin, la televisiun, l’apparat da fotografar, il radio, la gazetta ed il computer.** Da che on saran gnüdas inventadas quistas medias?

Alexandra Grond e Nataglia Roner, 3. e 4. classa

Quia ün o tsel resultat da nossas retscherchas:

- L’istorgia dal radio ha cumanzà dal 1896 ed ün tal s-chierp ha inventà ün sar Guglielmo Marconi.
- Il prüm apparat da fotografar guardaiva oura sco üna trocla naira, Camera Obscura. Quella trocla es nada fingià intuorn l’on 1000 e seis inventur vaiva nom Ibn al Haitham.
- Il prüm computer d’eira vairamaing üna maschina da far quints e quella d’eira uschè gronda sco üna schaffa da paraid. L’inventur es stat ün da Berlin cul nom Konrad Zuse.
- Ils prüms purtrets chi s’han muantats in üna televisiun sun plü co facil capitats da l’on 1924.
- Motorola Dynatac 8000X, uschè vaiva nom il prüm telefonin chi ha dat sül muond. Davent dal settember 1983 as pudaiva telefonar cun quel ed uschè ün telefonin cuostaiva 4.000 dollars americans.
- A Strassburg ha Johann Carolus la prüma jada squitschà üna gazetta chi’s po dir chi sumagliaiva a nossas gazettas dad hozindi.

Eivna da proget «Radio Powerup» dal Kinderdorf Pestalozzi

Dals 9 settember fin als 13 settember ha gnü lö l'eivna da proget «Radio Powerup» da la «Stiftung Kinderdorf Pestalozzi» illa scuola da Tarasp. Quia pudais leger che cha nus vain fat d'urant quell'eivna. Nossas emischiuns chattais online sün www.radiopowerup.ch o drivi il QR-Code, bun divertimaint cun tadlar nos radio.



Eu nu staiva amo qua, eu d'eira amo a Berna a scuola. Eu sun gnü pür als 1. october a star a Tarasp. Ma eu n'ha tadlà a meis conscolars aint il radio. A mai paraiva la musica ch'els han tschernü coola. Eu füss eir jent stat quia cur ch'els han fat radio.
Cla, 4. classa

Nus vaivan ün di dal caffè. I d'eira gövgia. Ils scolars, dimena nus, stuvaivan il prüm servir caffè. I daiva caffè, tè, üa, stortins e tuorta. Id es gnü blera glieud. Eu n'ha giovà fustballin e ballabasket d'urant la posa. Leon, Luka ed Andreas han fat ün'intervista culs visitadurs.
Nelio, 3. classa

Lündeschdi ha cumanzà ün'eivna tuot speciala, perquai ch'ün team dal „Kinderdorf Pestalozzi“ es gnü cun ün bus da radio. I d'eiran Luca, Sabrina, Bora, Gwen e Cinzia. Per mai d'eiran quels plüchöntsche collegas e na magisters. Els han dat a nus blera libertà. Eu d'eira in gruppa cun Andreas e

Leon. La gövgia d'eira fich coola, perquai cha davo cha nus vaivan discurrü aint il radio, vaina pudü ir a mangiar üa, stortins, tuorta e baiver caffè e tè.
Luka, 4. classa

Eu n'ha retscherchà blers temas: sur da mai, chans, Wilhelm Tell, stincals, co chi ha plaschü da far radio e Green Day. Stincals e Green Day m'han plaschü il meglider. Pro stincals n'haja tut: «Che tacha e chamina tras il desert? Ün caramell!» Pro Green Day n'haja scrit ün text fich lung. Sabrina vaiva jent a Green Day, ella e Gwen m'han güdà cun Green Day. Nossa gruppa vaiva nom ils cucumers.
Lovis, 4. classa



Aint il bus da radio d'eira special perquai chi's vaiva bler lö. Cur cha nus d'eiran live, as dudiva dadourvart our da gronds otpleaders da musica quai cha nus vain discurrü. Üna jada vaina eir tut ün uors grond aint il bus da radio, perquai ch'el ha quintà ün'istorgia. Aint in quel bus d'eira fich blera electronica. Il manader da la gruppa pudaiva far plü dad ot e plü da bass e tagliar davent roba.

Leon, 4. classa

Eu scriv sur da l'ura d'emischiun. Anouk ha adüna fat quella. Ella disegnaiva aint la roba cha nus vulaivan emitter: musica, discuorrer, referats, intervistas, ingiavineras e stincals. Nus vain eir fat ün «jingle». Ün «jingle» es üna melodia ed eir ün pèr peds chi vegnan adüna emiss avant l'emischiun.
Riccardo 4. classa

